

آنادولونجھوعدی

صانی : ۶

محمد خالد	ساختات سیرانی
مکرمین خلیل	آنادولونک فتحی
محمد شرف	دولت و مرکزی
صدری ارھم	صنی تکائف نقطہ لری
حامد صدی	آنادولو معدن لری
حبیب فاضل	ٹولونک اؤداسندہ ، قارده ش
عرفانہ نالی	آنادولو جھوریتنک معارف مفکورہ سی
ضیاء الدین فخری	جون دووہی
شرف لاظم	سویلہ دن
حسن جمیل	رابند رانات تاغورہ
فخر الدین صدی	قارا کلقلر ایچندہ
اسماعیل نامی	مانیلر
آیک ایزلی : دوملو پیکار صراسمی ، فکر تک ٹولوی	

ناشری : آنادولو قزمانیت نشریات شرکتی

یگانہ طبعیہ


انځالی مجاہدہ رشتندہ رشتندہ افندی خانیقہ

جوارنده یاقه جق و سراجیق و جنوبنده سیس اورتا موقعلرنده آنده زیت صخوره مجاور اوله رق بولونان سیملی قورشون ، پیریت و بلانده دامارلری . ۲ — بومنطقه نك شرقده وولقان توفلری دروننده پیریت ، سیملی قورشون ، چیتقو و رازده آلتون استحصال ایدیلن دامارلر . ۳ — اراضی تباشیرییه دروننده قسماً صخور اندفاعیه ایله محاط سیملی قورشون (زیغانه و کوموش خانه معدنلری) بولونور .

مابعدی وار

دارالفنون موضعی جوغرافیا معامی

هامر سعری



یکی تورک ایلی اداره سنك یاشادینی محیط آنادولو ، یعنی اوز وطن و ملی وجدانك معکسی اولان جمهوریتی ده یاشاتاجق یکانه ملت آنادولو ملتی و اوملتک چوجقلریدر . دارالفنون مدرسلرندن اسماعیل حق بک ده موقراسی و تربیه آدلی بر مصاحبه سنده « ده موقراسی عرفانسز اولماز » دیمشیدی . بو سوز چوق دوغری بر سوزدر . زیرا خلقجیلنی کندیسنه عمده اتخاذ ایدن حکومتلرده خلق و حکومت بر برندن آیری دکلدرد . چونکه جمهوری حکومتلرده وکیللر هیئتتی انتخاب ایدن سلطان دکل ، ملتک مبعوثلری در . مبعوثلر ایسه ملتک اراده سنی تمثیل ایدن آدملردن عبارتدر . بناءً علیه حکومتک تعقیب ایتدیکی داخلی و خارجی سیاستدن ملتک هر فردی مسئول دیمکدر . اگر خلقک هر بری بو مسئولیتی ادراک ایتمز ایسه ، جمهوریت ده یالکز بر عنواندن عبارت قالیر . جلال نوری بکک بر مقاله سنده یازدینی کی ۱ تشرین ثانی ۱۳۳۸ انقلابندن صوکره ، یالکز سلطانک کیدیکی تاجی تورک ملتک هر فردی کیمشدر . شمدی بودورده هر تورک برسلطاندر . جلال نوری بکک حد ذاته بک دوغری اولان شو فکدرلری یالکز شو شرطله بر قیمت قازانه بیلیر : هر تورک سلطان اولدیغنی حس ایتک و بیلیمک لازمدر . بوغایه نك حصولی ایچوند هر تورکک بوغایه نی ، بومفکورده ی آکلاویه نیله جک درجه ده بیلکیسی اولق ایجاب ایدره . عکس تقدیرده حکومتک شکلی نصل اولورسه اولسون حاکم اولان قوت « استبداد » در ، بونک مثالی هنوز دها قارا کلنی کوزیمزک اوکندن کچمین اتحاد و ترقی دوره سلطنتی درکه اک تمیز ، اک مبارک امللر ایله اورته آتیلان بوقومیه رأسکارینه کچدیکی ملتک جهالتی ، اراده سزلیکی یوزندن سلطان حمیدک استبدادینه

اوقوتدی . بو ملتک اوز اولادینی تامیله ازدی . یالکز برقاچ کشینک سلطه سنی بوتون عثمانلی تورکیاسنک مقدراتنه حاکم قیلدی . بو تحکمدن دوغان مادی و معنوی اک بویوک ضررله کرفتار اولانلر آنادولیلردی . چونکه قادینله ، ارککیله اوغلو ایله قیزی ایله جاهل بر اقلمش ، معارف یوزی کوستریلمهش برحیط وار ایسه اوده آنادولو ایدی . زواللی آنادولو صوکه انقلابمک دوغوش آنه قادار حریت ، حاکمیت ملیه کی مقدس کلمه لری یالکز قولاغیله ایشیتمشدی . فقط مفهوم لری آنکلامایوردی ، زیرا مشروطیت انقلابی اوز وطنک سینه سنده ، آنادولو خلقی طرفدن دکل ، مستملکه لیلر طرفدن یاپیلمشدی .

او مستملکه لیلر که آلتی یوز سنه دنبری آنادولو و آنادولولره حاکم موقعنده یاشامش ، بوتون مملکتک مقدراتی اوزینه سولوک کی یاشمش ، یالکز قانی ائمکه مشغول اولویوردی . صانکه دیوشیرمه لک استبدادی ییقمق ایچون یابدقاری مشروطیت انقلابی آنادولولی به بندکنی اوکرتمک نیتیه کلیوردی . حالبوکه مستملکه انقلابچیلرینک دیلرلرنده دولاشدیردقاری حریت ، عدالت ، مساوات ، حاکمیت ملیه ترانه لری صرف کندی منفعتلری و سفلی آرزولری بویه نخب واصل کلمه لر آلتنده صاقلامقده ایدی . مملکتک اوزچوققاری مستملکه لیلر دن ایشندیکی بوکلمه لک شامل اولدینی مفهوم لری آنکلابیله جک قادار اولسون عرفان صاحبی اولمادقاری ایچون استبداد ایله حریتی فرق ایدمه دی . عادی بر قومیتنه ک آلتنده اویونجاق اولدی .

کوک استبدادچیلرک ، کرکسه اونک دیکر شکلی اولان مشروطیتچیلرک بوتون غایه لری آنادولوی ایسته دکلری کی قوللانمقدی . بونک ایچون ده یکانه یول آنادولوی اوقوتتامق اولاجقدی . چونکه مستملکه لیلر بیلورلردی که عمل فکرک محصولی در . انسانی حرکت کتیره ن فکر در . قافاسی دوشونه مه ن بر آدامک پایاجنی ایسه باشقه لرینک آلتی اولمقدن غیری بر مزیتی حائر اولاماز .

دوغریسنی سویله مک لازمکلیسه مستملکه لیلر آرزولرنده موفق اولدیلر . ۲۳ نسیان ملی انقلابنه کلنجه یه قادار آنادولوی زنجیرلر آلتنده طوتدیلر . زواللی آنادولولو ، یمن چوللرنده ، طرابلس اووه لرنده یابانچیلرک ذلیل سلطنتلرینک تمادیس ایچون اولدی . آنادولوچوققاری مستملکه لر و مستملکه لیلر اوغوزنده مبذول مبذول قانلری آقتیرکن کوله لر سلطانلریله ، جاریه لریله شرایلرنده قوناقلرنده دمساز اولویورلردی . آنادولو چوققاری بیلمه یورلردی که آلله یی ، مملکتی ، آنادولونک فلاحی ایچون آقدیغنی ظن

ایتدیکی قانلر ، ویردیکی ویرکولر بوکولهلر سلطنتک اذامه‌سی ایچوندی . زیرا بونجیب ملتده نقصان اولان تک بر « شعور » واردی . باشنده کیلرک کیملردن اولدیغنی ، اک اوافق بر حکومت آدامدن طوتده تا سلطانه وارنجیه قادار کندی قانندن ، کندی ملتندن برفردک بيله بولمادیغنی بيلمیوردی . بيلمه‌یدی شه‌سز اولرک تاجلرینی قافالرینه برچوق عصر اول کچیریردی . یابانچیلر سلطنتی آلتی یوز سنه دوام ایتدیرمزدی . « مملکتک صاحبی نم » دیردی ، فقط دییه‌مه‌دی . اونی اداره ایده‌نلر اویله شیطتکارانه حرکت ایدیورلردی که زوالینک نجیب حسلرندن استفاده ایدیورلردی . کاه اسلاملق ، کاه عثمانلیلق ، کاه تورکیلیک پرده‌لری آلتنده غایه‌لرینی کیزله‌یه بیلورلردی . آنادولولو کوله‌لر سلطنتک ایجاد ایتدیکی بو اویونلرک علتی ، سبب اصلینی بيلمه‌یوردی . بيلمه‌یدی آلتی عصر دنبری بو ذلتلره قاتلانیرمی ایدی . جهانیه فرمان اوقویان نجیب تورک عرقک اصل آنادولو ملتی ده‌ا دون اوکنده سجده ایده‌نلرک حضورنده ذیلانه اکیلیرمی ایدی ؟

هر نصل اولدیسه بو اصل ملت غیب ایتدیکی « آنادولولوق شعورینی » بولدیغنی ۲۳ نیسان ۳۳۶ تاریخنه قادار بو اونوتقانلغک جزاسنی بول بول چکدی . ایشته ۲۳ نیسان ۳۳۶ ده‌درکه یابانچیلرک هر نوع تلقیناته رغماً آلتی یوز سنه دنبری وارلغنی قاورایان چنبرک کلیدیتهک آناختاری سیده اولدیغنی اوکرندی ، باشنک صوک قلینه قادار باتدیغنی ذلتدن بر حله‌ده‌ده کندینی قورتاره بیلدی ...

شو تاریخی حقیقت آنادولو جمهوریتک ملی معارف سیاستده تعقیب ایده‌جکی عهده‌نک اک اهمیتلیسی بوبیلکینک تأسسی اولاجغنی کوستریر ظنده‌یم .

بونک ایچوند ده‌شم‌دی‌یه قادار معارف قبولرندن بیک درلو وسیله‌لره اوزاقلاشدیریلان آنادولو چوجغنی اوقوتمق ، تام معناسیله اوقوتمق ... ایشته آنادولو جمهوریتک معارفده تعقیب ایده‌جکی یکانه مفکوره .

عرفانه نالی

❦	فلسفه	❦
---	-------	---

موره دوره‌ی

فلسفه و تربیه‌سی

مملکتیز ایکی بویوک حربک یوریجی ، آریجی ییللردن صوکره نهایت مسعود بر دوره‌نی ادراک ایتدی ، تاریخمزده بیک بر فصل آچیلدی . آنادولونک ابدی قدرتی ایله